



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De scholasticæ Theologiæ Vanitate, qua superioris  
ætatis homines, doctrinam & religionem suam  
tueba[n]tur, Liber, in locos communes digestus. Omnibus  
ueræ ac solidæ pietatis studiosis in primis ...**

**Sarcerius, Erasmus**

**Francoforti, 1541**

**VD16 S 1775**

De Hymnis Traditionibus & ceremonijs in ecclesia.

**urn:nbn:de:hbz:466:1-29838**

## DOCTRINA SCHOLAST.

sed post professionem factam,  
Non licet celebrare nuptias ab Aduentu us-  
que ad octauam Epiphaniæ, à septuagesima us-  
que ad octauam Paschæ, & à tribus diebus ante as-  
censionem usq; ad octauam Pentecostes.

## DE HUMANIS TRA- ditionibus & ceremonijs in ecclesia.

Humanæ traditiones in Ecclesia institutæ,  
sunt pars cultus Dei.

*sup 43. b.* Humanæ traditiones & ceremoniæ in Eccle-  
sia, sub eadem poena & pari præmio seruari de-  
bent, atq; præcepta Dei.

De humanis traditionibus in Ecclesia nõ est  
quærendum, quam originem habeant.

*infra 166.* In potestate Papæ est, condere humanas tra-  
ditiones similes præceptis Dei.

Humanæ traditiones & ceremoniæ in Eccle-  
sia seruatæ, promerentur iustitiam, gratiam, re-  
missionem peccatorum &c.

Seruiunt humanæ traditiones in Ecclesia ad  
placandum Deum.

Humanæ traditiones in ecclesia, nõ possunt  
aliæ atq; aliæ esse in diuersis locis.

Humanæ traditiones usu & consuetudine ap-  
probatæ loco eloquiorum Dei colendæ et ha-  
bendæ sunt.

Scri-

DE TRADITIONIBVS. 166

Scriptura tantum damnat Mosaicam traditi-  
ones, ut res ad salutem inutiles.

Ceremonie & traditiones ecclesie, pro arti-  
culis fidei habende sunt, immutabiles, & solius  
pontificis autoritate, & potestate pendentes.

Humanæ constitutiones, quas præfides ec-  
clesie faciunt, seruiunt ad honorem Dei, & fi-  
delium emendationem, quæ et si in propria for-  
ma in sacris literis non reperiuntur, sunt ta-  
men alligatorie in foro conscientie, ut qui has  
contempserit, Christum contemnat.

Non peccant, qui etiam frigidè legunt ho-  
ras Canonicas. Siquidem omnia spectant ad cul-  
tum Dei.

Ceremonie & traditiones Ecclesie illustrant li-  
bertatem & uim Euangelij.

Institutiones Dei sunt: unctiones, tonsuræ,  
uestes ceremoniosæ, benedictiones aque, palma-  
rum, candelarum, herbarum, consecrationes ec-  
clesiarum, altarium, uasorum, hominum &c.

Constitutiones ecclesie obligant per se con-  
scientiam, sicut & ordinationes Apostolorum.

Humanæ traditiones institutæ sunt ad placan-  
dum Deum, ad promerendam gratiam, & sa-  
tisfaciendum pro peccatis.

Peccatum est, discrimina ciborum, dierum, ue-  
stitus, & similibus rerum negligere.

Horas Canonicas omittere, est peccatum  
mortale, sicut etiam mortale peccatum est, ali-  
as tra-

## DOCTRINA SCHOLAST.

as traditiones Ecclesiæ transgredi.

Necesse est, & pertinet ad ueram unitatem Ecclesiæ, humanas traditiones esse ubiq; similes & æquales.

Humanæ traditiones duplices sunt: uniuersales & particulares. Vniuersales oportet ubique esse similes, particulares non oportet ubiq; similes esse.

Varias oportet esse traditiones, ut magna uarietate colatur Deus.

Humanæ traditiones sunt pars cultus Dei ad iustitiam necessariæ.

Observatione traditionum in Ecclesia, meremur remissionem peccatorum & gratiam.

Iustificati, per traditiones meremur gratiã.

Vniuersales traditiones necessarię sunt ad iustificationem.

*Vigilanz  
nach  
1785.*  
Aqua benedicta non est per se sacramentum gratiæ diuinæ, aut quod sanctificat, sed est signum prouocans animum hominis ad remissionem uenialium peccatorum, & ad abigendam diaboli tentationem.

Aqua benedicta in usu fuit apud ueteres ante mille & quadringentos annos. Eccius.

Alexander Papa quartus, Petri successor inquit: Aquam sale conspersam, benedicimus populo, ut per illam conspersus, sanctificetur, & purgetur, id quod & faciendum omnibus presbyteris mandamus.

Quod

Quòd si sanguis hircorum & vitulorum po-  
ruit sanctificare populum, multo magis aqua  
benedicta potest, quæ sacris orationibus conse-  
crata est.

1. Intermisio horarum Canoniarum, ferè ir-  
remissibile est peccatum. *S. 7. 176. a*

2. Charitatis opera non licet semper præpone-  
re horis canonicis.

3. Exemplo S. Seuerini certum est, horas ca-  
nonicas nec anteuerti, nec post cõpleri sine pec-  
cato posse, etiam si subit iustissima causa.

Ecclesia in toto orbe obseruat ritus Ecclesi-  
asticos, traditiones, obseruationes, ceremonias  
&c. pro diuino cultu.

Pulchra ceremonia est, aquam sale exorciza-  
re, quia conducit ad varios usus fidelium.

Consignare & benedicere fontem baptismi  
non solum utiles sunt, & pię conditiones.

Confirmatos & ordinatos in sacerdotes & e-  
piscopos, inungere sacro chrismate aut oleo,  
ualde mystica est ceremonia.

Ceremoniæ sunt opera exteriora ad cultum  
Dei pertinentia.

Ceremoniæ ueteris Testamenti, non contu-  
lerunt gratiam ex opere operato, sed ceremo-  
niæ noui Testamenti gratiam ex opere opera-  
to conferunt.

Determinationes Ecclesiæ, quæ à Spiritu san-  
cto regi dicitur, quoq; spectant ad legem diui-  
nam

## DOCTRINA SCHOLAST.

nam, sicut & leges seu traditiones specialiter inspi-  
ratę & reuelatę singularibus quibusdam per-  
sonis pro se, aut pro paucis ad hoc electis.

Non minorem potestatem statuendi cere-  
monias & traditiones habet hodie Ecclesia, q̄  
tempore Apostolorum.

Potest Ecclesia concedere ceremonias & tra-  
ditiones, in rebus pertinentibus ad cultum di-  
uinum.

Ceremoniæ ecclesię sunt opera exteriora ad  
cultum Dei pertinentia.

Omnes ceremonię sunt quędam protestatio-  
nes fidei.

## DE HAERETICIS.

Hæreticis nō est seruandus saluus cōductus.  
Scriptum est ad Titum: Hæreticum post unā  
aut alteram admonitionem de uira: ergo extre-  
mo supplicio puniendi sunt hæretici.

Quidam hæretici respectiuē sunt hæretici, qui-  
dam ceronei, quidam scandalosi.

Lata sententia damnationis in Concilio cō-  
tra hæreses, libri hæreticorum comburendi  
sunt, exemplo eorū, qui teste sacrosancta scri-  
ptura, Diuo Paulo citra controuersiam, ueni-  
entes, & confitentes actus suos, contulerunt e-  
os libros &c.

Nec solum libri hæreticorum comburi de-  
bent,